

مطبعه و محل اداره :

جفال اوغلنده امنیت
صندوغی جوارنده
شنگول یقوشنده
۲۷ نومرو

مُشَاقَقَاتُ صِرَاطِ

۱۳۲۶

سلکمه موافق آثار
جدیده مع المنونبه
قبول اولنور

درج ابدله بن آثار اعادة اولنور

دیر ، فلسفه ، علوم ، حقوق ، ادبیات تاریخ ، سیاسیانده و بالخاصه احوال و مشوره اسلامیه در بحث ایدر و هفته ده به نشر اولنور .

آبونه بدلی

صاحب و مؤسسلری :

ابوالعلا زین العابدین - ح . اشرف ادیب
تاریخ تأسیسی

۱۰ تموز ۳۲۴

در سعادتده نسخہ سی ۵۰ باره در

قیرلہ دن مقوا بورو ایلہ کوندر بیلیرسه سنوی

۲۰ غروش فضله آلنور

سنه لکی	القی آیلانی	غروش
مالک عثمانیه ایچون	۶۵	۳۵
روسیه	۶۵	۳۵
سائر مالک اجنبیه	۱۷	۹

یدنجی جلد

۱۰ ذی القعدة ۱۳۲۹ پنجشنبه ۲۰ تشرین اول ۱۳۲۷

عدد : ۱۶۵

روضۃ القراء

- ۲۶ -

ابوهریره رضی اللہ عنہ

مشار الیہ حضرت تارینک زمان جاہلیتہ اسمی (عبد شمس) اولوب حال اسلامندہ (عبدالرحمن) ایدی . بر کون اتکندہ بر کدی اولدینی حالدہ کیدرکن فخر عالم و نبی محترم اقدم حضرت تری کندیسنی کوروب او ندر ؟ دیو سوال بیوردقورندہ کدی اولدینی خبر ویرملری اوزرینہ (انت ابوهریره) بیورمشلرایدی که (سن کدیجک باباسین) دیمکدر . آندن صکره صاحب ترجمہ حضرت تری بو کنیہ ایله شهرت بولمشلردر . اسم شریفلرینی تعیندہ او توزدن زیادہ اقوال اولوب اصحی «عبدالرحمن بن صخر» اولدیفدر . (ابوهریره) نامی کندیسنه طرف رسالتدن ویرلدیکی ایچون عذندہ یک مرغوب اولوب کندیسنی هر کسک او نام ایله یاد ایتلرینی ایستر ایدی . ذات ستوده سہاتلری اصحابک مشاہیرندن اولوب اسلامی خیر سنہ سنہ درکه فتح مکہدن بر سنہ اقدمدر . غزوة خیبرده غزاة مسلمین ایله برابر بولمش و آندن صکره صاحب صفیہ ملحق اولوب حضرت فخر دو جهانندن آیرلماشدر . حضرت عمر رضی اللہ عنہ ذات مبارکلرینی بحرین والیدی ایتمشلر و صکره عزل ایلماشدر . بعدہ ینہ استخرام ایتک ایستہ مشلر ایسده جانب ابوهریره امتناع ایدوب مدینہ منورہده ساکن اولمش و یتمش سکر یاشندہ اولدینی حالدہ (۵۹) نارنجندہ مدینہده ارتحال دار نعیم ایتمشدر . (۵۳۷۴) حدیث شریف روایت ایلماشدر صحیحینده (۶۰۹) مذکوردر . (۹۳) ده امام بخاری (۱۹۰) ده امام مسلم منفرد باقیسندہ ابکیسی متفقدر . صحیح بخاریده کندیلرندن مقول اولهرق مذکوردرکه «خلق ہم روایتمی استکنار ایدوب : ابوهریره یک جرق روایت حدیث ایدیور دیدیلر . اگر کتاب کریمده «ان الذین یکتُمون ما انزلنا من الیقات والهدی» الخ آیتلری اولسه بن بر حدیث بیاه خبر ویرمن ایدم . بزم مهاجریندن اولان اخوانمزی تجارتلری و جارش ولرده اولان آلتش ویریشلری و انصاردن اولان اخوانمزی زراعتلری و خرماقلری مشغول ایدر ایدی . بن ایسه قرن طوقاغنه حضرت رسول اللہ ملازمت ایدوب انلرک بولنه مدقلری و قتلرده نزد رسول اللہ بولنور و انلرک حفظ ایتدکلرینی حفظ ایدر ایدم » دیمشدر و ینہ کندیلرندن مروی اولهرق بخاریده مذکوردرکه قوه حافظه لرندن شکایة «یا رسول اللہ بن سزدن بر چوق شی ایشیدیورمده حفظ ایدہ بیورم دیمشدم . بکا : جامہ کی یای . بیوردیلر . دامنی یابدیمده ایکی آوجلریله بر شی آثار کی یاپوب بدمه : یوم بیوردیلر بن ده اتکیمی طوپلایوب یومدم . بر دها بر شی اونوتدم » دیمشدر . کتب اصولده حضرت ابوهریره اصحابک فقه و اجتهاد ایله اشتهار ایتیلر میاننده ذکر اولمشدر . لیکن تحریرده ابن ہمامک : ابوهریره فقیہدر انی بو قسمه ادخال ایتهمک صحیح اولهمار دیمش اولدینی ابن نجیم مرحوم بیان ایتمشدر . حضرت ابوهریره

زمان اصحابده فتوای ظاہر ایدی که او زمان درجہ اجہادی حائز اولما لرافتا ایدہ منزل ایدی . کندیلرندن صحابی و تابعی سکر یوزی متجاوز ذوات اخذ و روایت ایلماشدر . حضرت ابوهریره رضی اللہ عنہ بندن زیادہ حدیث بیان عبدالله بن عمرودر . او یازار ایدی بن یازمار ایدم بیورمشلردر . ابن قتیبه نک بیانہ کوره ابوهریره حضرت تری اوموزلرینک مابینی ککیش اوک دیشلری سکرک ولطیفہ جی بر ذات اولوب کندیسنک ایکی اورکی صاحی دخی وار ایتمش . والدہ سنک مظهر ہدایت اولمش چون دعا بیورملرینی حضرت نبی اکرمدن نیاز مند اولماقہ والدہ حضرت ابوهریره نک دعاء حضرت خیر البرایا ایله ایتدا ایتمش اولدینی مسلم شریفک فضائل ابی ہریره فصلندہ مذکوردر .

صاحب ترجمہ ابوهریره حضرت تری قرآن عظیم الشانی عرضاً (ابی بن کعب) حضرت لرندن اخذ و تاقی ایتمشلردر . ذات مبارکلرندن دخی اعراج لقبیلہ مشہور فقہادن وائمه قرادن عبدالرحمن بن ہرمز و ابو جعفر بطریق العرض اخذ ایتمشلردر . ابو جعفر و نافع قرآتلری مشارالیه حضرت لرینہ منتہدر . رضی اللہ عنہ

- ۲۷ -

عبداللہ بن عباس رضی اللہ

مشارالیه حضرت تارینک اسم شریفلری (عبد اللہ) اولوب کنیہلری (ابو الحارث) در . پدرلرینک نامی (عباس بن ابی ریبہ) در ذات مبارکلری مشاہیر تابعیندن اولوب فخر عالم اقدم حضرت تری کوردیکی مرویدر . قرأتی بطریق العرض (ابی بن کعب) حضرت لرندن اخذ ایتمش و (عمر ابن الخطاب) رضی اللہ عنہ قرآن عظیم الشانی استماع ایلماشدر . ابو جعفر یزید ابن قعقاع ، وشیبہ بن نصاح ، عبدالرحمن بن ہرمز ، مسلم بن جندب ، یزید بن رومان کئی ذوات قرآن کریمی ذات عالیقدرلرندن بطریق العرض اخذ و تاقی ایتمشلردر . بواس ذات ائمه قرادر امام نافعک شیخیدرلر .

صاحب ترجمہ حضرت تری اهل مدینہ نک عالم قرآنندہ امامی اولوب (۸۷) سنہ ہجریہ سنہ عزم کلشدرای عالم عقبا بیورمشلر .

- ۲۸ -

شیبہ بن نصاح رضی اللہ

مشارالیه حضرت تارینک اسم شریفلری (شیبہ) اولوب پدرلرینک نامی «نصاح بن سرحیس» در . ذات عالیقدرای مدینہ منورہده علم قرآنندہ امام یکانہ و موثق الروایہ بر ذات کالات نصاب ایدی . ازواج طاہرہ نبویہدن حضرت (ام سلمہ) نک عبد معتی اولوب حضرت مشارالہا بوذاتک باشی الیہ مسح ایله حقندہ دعای بالحریرہ بولمشدر .

حافظ ابوالعلا بوذات حقندہ اصحاب کرام حضرتاتی ادراک ایدن تابعین ایچندہ کبار قرادن اولوب (ام المؤمنین حضرت عایشہ و ام سلمہ) رضی اللہ عنہما والدہ لرمنک شرف ادرا کیلہ مشرف و دعا لرینی اخذ ایله کامیاب اولدی دیمشدر .

باغی اووب صویک صفوتی وامرانك دقتی سایه‌سندہ كورولمشدی)
كچر كچمز حصارك دیوار. نی دملایه وایجریده بولنازلره اوق آتمایه
باشلادی .

بوصبراده قلمه‌نك حاكمه بر كاغد یازدم . تسلیم نفس ایده‌رسه
جانی ، مالی ، عسکری امین اولاجغنی وكدیلیرینك رعیم کی معامله
كوره‌جكنی ییلدیردم . مکتوبی اسرادن بریله قلمه داخله یوللادم .
آرتیق اوق وتقنك آتیلماستی ده منع ایتدم .

مکتوب ایجرییه کیدنجه حاکمه رؤسا دیشارییه چیقدی .
تکلیف ایتدیکم شرائطی بالقبول قلمه قاپیلرینی آجیدیلر . بولوك
بولوك چیقان اهلیدن بعضلرینی عمجه‌مه‌كونده‌ردم . هپسینه اکرام
و التفات ایله‌دکدن صوکرایلری کلنلرینه خلعت کیدیروب اولرینه
اعاده ایتدی . افغانلیرك حرکات ظالماه‌سندن قولاقلری طولمشکن
دوچار اسارت اولدقلری حالده بویله سالما و مطیبا خانه‌سینه دونلر
کوردکلری شفقتدن شاشیردیلر . بزم ، قورقدقلری کی اولمادیغمزه
امنیت کسب ایتدیلر .

§

(میراتالیق) وفادار آدملرندن بعضلرله (قته‌غن) دن چیقمش
(رستاق) ده بدخشان بکلرینك یاننه اتیجا ایله‌مشدی . بو خبری
آلیر آلاز (غوری) دن قالدق . میراتالیق پای تختی اولان (بغلان)
کیتدک . اورانك اشراف و اعیانی استرحامنامه‌لر تقدیم ایتدیلر .
کندیلرینه تسلی و تأمینات ویردک . رؤسادن بعضلرینی ابقا ، بعضلرینی
تبدیل ایله‌مک و حاکم ، قاضیلر تعیین ایتمک صورتیه اجرا آنده
بولوندق . بعده حرکت و (خان آباد) ه مواصلت ایتدک .

شهر جوارنده ونهر کنارنده واقع مرتفع بر نقطه‌یه اردو قوردق .
اوران ایکی طابور پیاده ، بیک نفر اوزبک سوارسی ، بش یوز نفر
افغان سوارسی ، بش یوز نفر خاصه عسکری ترتیب ایدرک آلتی قاطر
طوبیله (تالیخانه) سوق ایله‌دک .

(امیر دوست محمدخان) ك اوغلی (محمد امین خان) بوقرقه‌یه
قوماندان تعیین اولوندی . نهری آنارله کچرکدن صوکرای تالیخانه
کیتدی . آز زمان ایجریسندہ قلمه‌نی خراب ایتدی .

§

بومدت ظرفنده عمجه‌مله برلکده خان آبادده لازم کلن اصلاحات
جالیشیوردق . یادیغمز ایشلردن بری ده نام‌جدمک خطبه‌لرده یاد
اولونماستیدی .

براز صوکرای (اندراب) و (خوست) هالیسی میراتالیق
ایله بدخشان بکلرینك تحریکاتنه قاپیلوب طغیان و حاکم‌لرینه
قارشو عصیان ایله‌دیلر .

(سردار محمد عمرخان) قومانداسندہ اولمق اوزره دورتیوز
نفردن عبارت برقوت ترتیب و اندراب حاکمك امدادینه تسیرب
ایتدم . جدم‌ده کابلدن (سردار محمد شریف) خان قومانداسیله
ایکی طابور پیاده ، بیک نفر خاصه عسکری ، بیک نفر سوارسی و آلتی

حضرت (ام سلمه) قاری مشارالیهی قرائت قرآنه تشویق ایتمش
ومدینه منوره قاضی ابو جعفر علی به داماد اولمشدر . حضرت حسین
رضی الله عنه اقدمزك کریمه محترمه‌لری (سکینه) رضی الله عنهما ارتحال
دار نعیم بیوردقده قرائت قرآنده کی فضیلتی و حسن اداسی جهتیله
جنازه نمازینی قیایر مق خصوصندہ پک چوق کباره تقدیم اولمشدر .
علم قرائتی عبدالله بن عیاش بن ربه‌دن اخذ و تالی ایتمش اولدینی
محققدر . بعض مورخین عبدالله بن عیاشی (عبدالله بن عباس)
ظنیله قاری مشارالیهک (عبدالله بن عباس یاخود ابو هریره) دن
اخذ و قرائت ایلدیکنی بیان ایتمش ايسده قاری مشارالیهک (ابو
هریره) حضرت لرینه یتیشمه‌مدیکله ثابتدر . امام ذهبی دیرکه : ائمه
قرادن نافع بن ابی نعیم ، سلیمان بن مسلم ، اسماعیل بن جعفر ، ابو
عمرو بن العلاء ، مشارالیه امام (شیه) حضرت لرندن تالی قرآن
ایله‌مشدر . علم قرآنده ابتدا کتاب تصنیف ایدن قاری مشارالیه
اولوب کتابی مشهوردر . (۱۳۰) ویا (۱۳۸) تاریخ هجریسندہ
ارتحال دار نعیم بیوردمشدر .

امیر ملی

« امیر عبدالرحمن خان »

« مابعد »

اوکون ، ایکسندی به طوغرو سپرلری کوزدن کچیرمک ایچین
کیتدم . اوزرلرندن قلمه‌ده کی محصورینه خطاب ایده‌رک :

— سزده مسلمانسکز . بزده . امیر کز مغلوب اولدی . بوندن
صکرا مقاومتک فائده ویرمه‌جکنی ، بهوده اولوب اولدیرمه‌نك
مسلمان قانی دوکمکدن باشقه بر شی انتاج ایتیه‌جکنی دوشونک .
کلک ، قلمه‌نی تسلیم ایدک . ایستدیککز شرائطه مصالحه‌یالم . دیدم .
دیکله‌دیلر ، فقط جواب ویرمه‌دیلر .

او کیجه صباحین بر یوروش بایلماسی حقنده‌امر ویردم . فقط
هجوم باشلامازدن اول دشمنی قورقوتمق فکريله قلمه دیوارلرینی طوبیلره
دوکیدردم . قوشلق زمانی عسکرک بر مقدارینی قلمه‌نك جهات مختلفه‌سینه
هجوم ایتدیروب اصل کیريله بیلجک بر نقطه‌نی سر بست بر اقدیردم .
چونکه اونقطه‌یه هجوم ایدیلمه‌دیکندن اوراده کیلرکده نقاط سائر
ایله مشغول اولاجقلری بدی ایدی .

محافظلری ، باشقه جهتلری مدافعه ایچین آریلنجه بزم عسکرک
قسم کلیمی همان اونقطه‌یه یورویه‌جک ، بز دیواره طیرمانوب چیققدن
صکرمه بردقه (یاچاریار) دییه‌باغیراجقدی . کشفم طوغرو چیقدی
وبالانم تمامیه تطبیق ایدیلدی ، نتیجه‌سندده دشمن طیش قلمه‌دن
ایچ حصاره چکیلیمه‌یه مجبور اولدی .

طیش وایچ قلمه‌لر آراسنده اون زراع عمقنده ، یکریمی اوچ‌زراع
عرضنده بر خندق واردی که عسکرمن قامیشدن اورولمش بر کوپرو
واسطه‌سیله اوزهرندن کچدی (بو کوپرو ، بر آرشین ده‌ریلکندہ